

ქ.თბილისი

25 ნოემბერი 2019 წ

ხელშეკრულების დამდები მხარეები

ერთი მხრივ სსიპ - საქ.ხალხური სიმღერისა და ცეკვის სახ.ანსამბლი "ერისიონი" (შემდგომში „შემსყიდველი“) წარმოდგენილი მისი სამხატვრო ხელმძღვანელი შერმანდი ჭკუასელის სახით, იურიდიული მისამართი ქ. თბილისი, რუსთაველის ქ.16 და მეორეს მხრივ, შპს „მ.ს. ლაითს“ (შემდგომში „მიმწოდებელი“), წარმოდგენილი მისი დირექტორის ალექსანდრე ბითაძის სახით, იურიდიული მისამართი: ქ.თბილისი, საბურთალოს ქ.#26.

1. ხელშეკრულების ღირებულება

1.1 შემსყიდველმა გამოაცხადა 2019 წლის საკუთარი შემოსავლების დაფინანსების ფარგლებში ელექტრონული ტენდერი აუქციონის გარეშე (NAT190021191) შემსყიდველის მიერ 2019 წლის 28 ნოემბერს გასამართი სასცენო-საკონცერტო ღონისძიებისათვის სასცენო-საკონცერტო განათებისა და მინათების აპარატურის სათანადოდ ორგანიზება-მონტაჟი-დემონტაჟის მომსახურების შესყიდვაზე და ტენდერის შედეგად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება 17'955,00 (ჩვიდმეტიათას ცხრაას ორმოცდათხუთმეტი) ლარად (შემდგომში ხელშეკრულების ღირებულება).

1.2. ხელშეკრულების ღირებულებაში შედის მომსახურების მიწოდების ადგილამდე აპარატურის ტრანსპორტირების ხარჯი, ორგანიზება-მონტაჟი-დემონტაჟის ხარჯი და მიმწოდებლისთვის საქართველოს კანონმდებლობით გათვალისწინებული ყველა გადასახადი, მათ შორის დღგ-ს გადასახადი, იმ შემთხვევაში თუ მიმწოდებელი არის დღგ-ს გადამხდელი.

2. ხელშეკრულების შესრულების კონტროლი

2.1 ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს მიმწოდებლის მიერ ნაკისრი ვალდებულებების შესრულებაზე.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. მიწოდებული მომსახურების ხარისხის/რაოდენობის/მიწოდების ვადის ხელშეკრულების მოთხოვნებთან, მათ შორის ხელშეკრულების დანართ №1-თან და დანართ №2-თან (სატენდერო დოკუმენტაციის დანართ №1 და დანართ №2) შესაბამისობის დადგენა, ინსპექტირების დასკვნის შედგენა, მიღება-ჩაბარების აქტის გაფორმება.

2.3 ხელშეკრულების შესრულების კონტროლს ახორციელებენ სსიპ - საქ.ხალხური სიმღერისა და ცეკვის სახ.ანსამბლი "ერისიონის" დირექტორის ბრძანებით განსაზღვრული პირები.

3. შესყიდვის ობიექტის მახასიათებლები

3.1. შესყიდვის ობიექტის ტექნიკური/ხარისხობრივი მაჩვენებლები, რაოდენობა და ღირებულება განისაზღვრება ხელშეკრულების დანართი №1 (სატენდერო დოკუმენტაციის დანართი №1), რომელიც წარმოადგენს წინამდებარე ხელშეკრულების განუყოფელ ნაწილს.

4. მომსახურების მიწოდების (ორგანიზება-მონტაჟი-დემონტაჟი) პირობები

4.1. გასანათებელი აპარატურის მონტაჟი უნდა განხორციელდეს 2019 წლის 26 ნოემბრის 23:50 საათიდან არაუგვიანეს 2019 წლის 15:00 საათისა, ხოლო დემონტაჟი 2019 წლის 28 ნოემბერს კონცერტის დასრულების შემდგომ.

4.2. მომსახურების გაწევის ადგილი განისაზღვრება ხელშეკრულების დანართი №1-ით (სატენდერო დოკუმენტაციის დანართი №1).

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად გაწეული მომსახურების შესაბამისად.

5.2. მომსახურების მიღებისას სსიპ - საქ.ხალხური სიმღერისა და ცეკვის სახ.ანსამბლი "ერისიონის" დირექტორის ბრძანებით განსაზღვრული პირი გაწეული მომსახურების ხელშეკრულების, მათ შორის დანართი №1-ით და დანართი №2-ით (სატენდერო დოკუმენტაციის დანართი №1 და დანართი №2) გათვალისწინებულ მოთხოვნებთან შესაბამისობის დადგენის მიზნით ახორციელებს მომსახურების შემოწმებას და ადგენს შესაბამის ინსპექტირების დასკვნას. იმ შემთხვევაში თუ, გაწეული მომსახურება შეესაბამება ხელშეკრულების, მათ შორის დანართი №1-ით და დანართი №2-ით (სატენდერო დოკუმენტაციის დანართი №1 და დანართი №2) გათვალისწინებულ მოთხოვნებს, სსიპ - საქ.ხალხური სიმღერისა და ცეკვის სახ.ანსამბლი "ერისიონის" დირექტორის ბრძანებით განსაზღვრული პირი მიღება-ჩაბარების აქტის საფუძველზე ახორციელებს გაწეული მომსახურების მიღებას.

ანგარიშსწორება

- 6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, მიმწოდებლის მიერ ფაქტობრივად გაწეული მომსახურების ღირებულების შესაბამისად;
- 6.2. ანგარიშსწორება განხორციელდება მიმწოდებლის საბანკო რეკვიზიტებზე;
- 6.3. ანგარიშსწორება მიმწოდებელთან განხორციელდება ინსპექტირების დასკვნის, მიღება-ჩაბარების აქტის და საგადასახადო ანგარიშფაქტურის საფუძველზე, არაუგვიანეს 7 (შვიდი) სამუშაო დღის განმავლობაში;

7. მხარეთა ვალდებულებები

- 7.1. „მიმწოდებელი“ ვალდებულია:
- 7.1.1. გაუწიოს „შემსყიდველს“ ხელშეკრულებით გათვალისწინებული მომსახურება ჯეროვნად;
- 7.1.2. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;
- 7.1.3. დაიცვას ხელშეკრულებით გათვალისწინებული ყველა პირობა.
- 7.2. „შემსყიდველი“ ვალდებულია:
- 7.2.1. უზრუნველყოს „მიმწოდებლის“ დროული და სრული დაფინანსება;
- 7.2.2. დაიცვას ხელშეკრულებით გათვალისწინებული ყველა პირობა.

8. მხარეთა უფლება

- 8.1. „მიმწოდებელს“ უფლება აქვს:
- 8.1.1. ხელშეკრულების ფარგლებში მოითხოვოს დროული და სრული დაფინანსება.
- 8.2. „შემსყიდველს“ უფლება აქვს:
- 8.2.1. აწარმოოს გაწეული მომსახურების ხარისხის, რაოდენობისა და მიწოდების ვადის კონტროლი;
- 8.2.2. განაცხადოს უარი უხარისხოდ გაწეული მომსახურების მიღებაზე.

9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საბიუჯეტო ასიგნების მკვეთრი შემცირებით და სხვა;
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

- 10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა;
- 10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში;
- 10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა;
- 10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

- 11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;
- 11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ორი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. ხელშეკრულებით გათვალისწინებული მომსახურების ხელშეკრულების, მ.შ. დანართი №1-ით და დანართი №2-ით (სატენდერო დოკუმენტაციის დანართი №1 და დანართი №2), გათვალისწინებული პირობების დარღვევის შემთხვევაში „მიმწოდებელთან“ შეწყვეტილ იქნება ხელშეკრულება და არ მოხდება სახელშეკრულებო ღირებულების ანაზღაურება.

13.2. შემსყიდველის მხრიდან ხელშეკრულების 6.3. პუნქტით გათვალისწინებული ანგარიშსწორების ვადების დარღვევის შემთხვევაში შემსყიდველს მიმწოდებლის სასარგებლოდ დაეკისრება პირგასამტეხლო ხელშეკრულების ღირებულების 0,3%-ის ოდენობით, ყოველ ვადაგადაცილებულ დღეზე.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ხელშეკრულების 13.1. პუნქტის დადგომის შემთხვევაში;

14.1.3. საქართველოს მოქმედი კანონმდებლობით და წინამდებარე ხელშეკრულებით გათვალისწინებულ სხვა შემთხვევებში.

15. ხელშეკრულების მოქმედების ვადა

15.1 წინამდებარე ხელშეკრულება ძალაში შედის ხელმოწერისთანავე და მოქმედებს 2020 წლის 31 იანვრის ჩათვლით.

16. მხარეთა რეკვიზიტები

„შემსყიდველი“

სსიპ - საქ.ხალხური სიმღერისა და ცეკვის

სახ.ანსამბლი "ერისიონი"

ქ. თბილისი, რუსთაველის ქ.16

სახელმწიფო ხაზინა

კოდი № TRESGE22

ა/ა № GE24NB0330100200165022

ს/კ №203827485

„მიმწოდებელი“

შპს „მ.ს.ლაითს“

ქ. თბილისი, საბურთალოს ქ. #26

სს „თბილისი ბანკი“

კოდი: TBCBGE22

ა/ა # GE86TB0600000004467315

ს/კ № 211323511

